



Centro Nacional Chega!l.P

Da Memória à Esperança

KOMUNIKADU IMPRENSA

Centro Chega!l.P Asina Akordu Servisu Hamutuk Museu Memórial Munisipal 3

(Dili, 21 Marsu 2025) Centro Nacional Chega!l.P asina Akordu Servisu Hamutuk (ASH) ho Museu Memórial Munisipal 3 mak hanesan Museu Memórial Munisipal Aileu, Museu Memórial Munisipal Covalima, Museu Memórial Munisipal Bobonaro. Serimonia asina ASH ne'e realiza iha Salaun Gabinete Apoiu Orgaun Centro Chega!l.P Antigo Comarca Balide.

Objetivu husi asina ASH ne'e mak atu apoiu finanseiru ba Museu Memórial Munisipal 3. Kada Museu Memórial Munisipal ida (1) sei hetan orsamentu hamutuk USD 14,000.00 (Dolar Amerikanu Rihun Sanulu Resin Haat). Orsamentu hirak ne'e hodi apoiu ba fortaleimentu institucional hodi reforsa servisu administrasaun, operasional no implementasaun atividade sira ne'ebé hatur ona iha kada museu idak-idak nia planu.

Durante ezistensia Museu Memórial Munisipal 3 hanesan Aileu, Covalima no Bobonaro halo ona atividade sira mak hanesan rekolla, dokumenta no halo memória ka narrativa istorika sira sai asesivel ba públiku.

Objetivu seluk husi asina ASH ne'e mak atu apoiu finanseiru ba Museu Memórial Munisipal sira mak atu responde ba misaun Centro Chega!l.P nian mak “promove implementasaun rekomendasaun CAVR no PMAS relasiona ho institucionalizasaun memória no promosaun direitus umanus atraves edukasaun, formasaun, peskiza no solidariedade ba sobrevivente vulneravel liu husi violasaun direitus umanus no mos promove rekomendasuan komuns CAVR no PMAS kona-ba konstrusaun sentru nasional memória, peskiza no aprendizajen”.

ASH hahu efetivu husi data ne'ebé Centro Chega!l.P no Museu Memórial Munisipal 3 asina ona no ASH lavinkula data termina ASH importante mak benefisiariu sira submete ona relatóriu narativu no relatóriu finanseira ba Centro Chega!l.P.

Museu Memórial hanesan plataforma ida husi programa memorializasaun integradu ne'ebé ho objetivu final atu larepete fila fali violensia pasadu nian no mekanizmu sira mak hanesan, harii plataforma ba ema no comunidade husi parte etniku-kultural no politika sira atu fahe sira nia istória no involve comunidade iha dialogu no memorializasaun. Prezerva memória istóriu liu husi arkiva no disemina narrativa sira ba públiku. Fasilita prosesu komprensaun komun kona-ba politika no programa sira oinsa mak utiliza memória istóriu sira.

Entertantu, hahu husi tinan 2021 to'o 2024 Centro Nacional Chega!l.P estabesele ona Museu Memórial Munisipal haat (4) mak hanesan, Museu Memórial Munisipal Aileu, Museu Memórial Munisipal Bobonaro, Museu Memórial Munisipal Covalima, Museu Memórial Munisipal

Viqueque no iha tinan 2025 estabelese tan Museu Memórial Munisipal Manatuto no total Museu Memórial Munisipal hamutuk 5.

- Remata -

Ba informasaun liu tan kontaktu:

Raimundo Sarmiento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabelese ho dekretu Lei n.º. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória passadu nian, moris iha dame, no respeito ba direitus umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatóriu Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memoriam Ad Spem*, sira ne'ebé relevante".